



INISIATIF PEMBAHARUAN UNDANG-UNDANG



LAPORAN PENGURUSAN


INISIATIF PEMBAHARUAN UNDANG-UNDANG**PINDAAN AS 2016**

Usaha untuk meminda AS 2016 dimulakan oleh SSM pada tahun 2020, yang membawa kepada pengenalan RUU (Pindaan) Syarikat 2023. RUU ini mempunyai dua (2) objektif utama: untuk mengukuhkan kerangka rehabilitasi korporat dan untuk meningkatkan ketelusan dalam ekosistem sektor korporat di Malaysia.

Sebagai inisiatif utama untuk menyokong sektor korporat dalam mengurangkan kesan buruk pandemik COVID-19 dan memastikan kelestarian jangka panjang, RUU (Pindaan) Syarikat 2023 bertujuan untuk memperbaiki peruntukan perundangan sedia ada yang berkaitan dengan mekanisme penyelamatan korporat dan rehabilitasi untuk syarikat yang menghadapi kesukaran kewangan.

Berkaitan dengan ketelusan korporat, RUU ini bertujuan untuk menambah baik kerangka pelaporan pemunyaan benefisial, selaras dengan perkembangan antarabangsa terkini yang bertujuan memerangi pengubahan wang haram, pembiayaan keganasan, rasuah dan pengelakan cukai. Komitmen Malaysia untuk menangani isu-isu ini akan dipantau oleh pelbagai badan antarabangsa, termasuk *Financial Action Task Force* (FATF). Penilaian FATF terhadap Malaysia dijadualkan bermula pada tahun 2024, di mana keberkesanan tindakan penguatkuasaan dan langkah-langkah undang-undang berkaitan pengubahan wang haram dan pembiayaan keganasan akan dinilai secara menyeluruh.

Melalui pindaan ini, SSM berhasrat untuk memupuk lanskap korporat yang lebih berdaya tahan dan telus, menggalakkan akauntabiliti dan kepercayaan dalam persekitaran perniagaan di Malaysia.

**PROSES KONSULTASI DAN KELULUSAN JEMAAH MENTERI**

Proses konsultasi awal untuk RUU ini telah dijalankan dengan mengedarkan draf RUU kepada pelbagai badan pengawalseliaan dan organisasi profesional. Konsultasi awam dan perbincangan bersama telah diadakan dari Julai hingga Ogos 2020, melibatkan pelbagai pihak berkepentingan, termasuk badan profesional, pemain industri (seperti perbankan dan peliduiikasi), badan-badan kawal selia dan agensi kerajaan lain.

INISIATIF PEMBAHARUAN UNDANG-UNDANG

Setelah proses konsultasi ini selesai, maklum balas yang dikumpulkan daripada pihak berkepentingan digunakan untuk merumuskan dasar-dasar penggubalan RUU ini. Polisi ini kemudian dibentangkan dan mendapat kelulusan Jemaah Menteri pada 12 Julai 2023.

Lanjutan dari kelulusan dasar tersebut, draf akhir RUU telah dibentang dan diluluskan oleh Jemaah Menteri pada 9 Ogos 2023, di mana ia, menandakan langkah penting dalam proses perundangan.

Proses Konsultasi dan Penggubalan Rang Undang-Undang Syarikat (Pindaan) 2023



JUN - JULAI 2020

Edaran draf Rang Undang-Undang kepada badan kawal selia dan badan profesional.



JULAI - OGOS 2020

- (a) Edaran dokumen konsultasi kepada pihak awam
- (b) Rundingan bersama pemegang taruh



SEPTEMBER 2020 - OGOS 2023

- (a) Kelulusan Polisi
- (b) Proses Penggubalan

INTIPATI RANG UNDANG-UNDANG SYARIKAT (PINDAAN) 2023

RUU ini mengandungi 31 fasal yang terdiri daripada empat (4) kluster polisi. Kluster polisi pertama bertujuan memperluaskan pemakaian mekanisme penyelamat korporat iaitu perkiraan sukarela korporat (CVA) dan pengurusan kehakiman (JM). Kluster polisi kedua adalah untuk memperkukuhkan kerangka rehabilitasi korporat melalui penambahbaikan peruntukan sedia ada yang berkaitan skim perkiraan atau kompromi dan penambahbaikan peruntukan-peruntukan berhubung CVA/ JM. Kluster polisi ketiga adalah untuk memperkukuh kerangka pelaporan pemunyaan benefisial dan kluster polisi keempat adalah bertujuan menambah baik amalan dan tadbir urus korporat.

Kluster Polisi Rang Undang-Undang Syarikat (Pindaan) 2023

POLISI 1

Memperluaskan pemakaian mekanisme penyelamat korporat [perkiraan sukarela korporat (CVA) dan pengurusan kehakiman (JM)]

POLISI 2

Memperkukuh kerangka rehabilitasi korporat melalui:

- (a) Penambahbaikan peruntukan yang berkaitan skim perkiraan atau kompromi; dan
- (b) Penambahbaikan peruntukan berhubung CVA/ JM

POLISI 3

Memperkukuh kerangka pelaporan pemunyaan benefisial

POLISI 4

Menambah baik amalan dan tadbir urus korporat

LAPORAN PENGURUSAN

INISIATIF PEMBAHARUAN UNDANG-UNDANG**PEMBENTANGAN RANG UNDANG-UNDANG SYARIKAT (PINDAAN) 2023 DI PARLIMEN**

RUU ini telah dibentang dalam Mesyuarat Ketiga, Penggal Kedua, Parlimen Kelima Belas. Bacaan kali pertama telah dibuat di Dewan Rakyat pada 12 Oktober 2023. RUU ini telah dibentang dan diluluskan di Dewan Rakyat selepas bacaan kedua dan bacaan ketiga pada 28 November 2023 tanpa sebarang pindaan.

Seterusnya RUU ini telah dibentang dan diluluskan di Dewan Negara pada 13 Disember 2023 sebagai satu akta yang dinamakan Akta Syarikat (Pindaan) 2023.

Akta Syarikat (Pindaan) 2023 dijangka akan dikuatkuasakan pada suku pertama tahun 2024.

Seksyen-Seksyen di bawah Akta Syarikat (Pindaan) 2023

Seksyen 1	Tajuk ringkas dan tarikh permulaan kuat kuasa Akta
Seksyen 2	Pindaan takrif pemunya benefisial dalam seksyen 2 Akta 777
Seksyen 3	Penggal 8A baharu yang memperihalkan pemunyaan benefisial sesuatu Syarikat
Seksyen 4	Pindaan seksyen 68 untuk menghendaki syarikat menyerahkan simpan kepada Pendaftar butir-butir pemunyaan benefisial syarikat itu dalam penyata tahunan
Seksyen 5	Pindaan subseksyen 152(2) untuk menjadikan peruntukan itu selaras dengan Akta Pasaran Modal dan Perkhidmatan 2007
Seksyen 6	Memasukkan subseksyen baharu 258(1A) berkaitan kuasa Pendaftar untuk memberi lanjutan berhubung edaran penyata kewangan dan laporan yang berkaitan
Seksyen 7	Memasukkan subseksyen 264(4A) dan (4B) berkaitan kebebasan juruaudit
Seksyen 8	Pindaan seksyen 365 berkaitan takrif 'syarikat berkaitan' dan 'syarikat subjek' berhubung dengan skim perkiraan atau kompromi
Seksyen 9	Pindaan seksyen 366 berkaitan kelulusan skim perkiraan atau kompromi dan pengerusi mesyuarat
Seksyen 10	Pindaan seksyen 367 berkaitan pelantikan pengamal insolvensi berhubung dengan skim perkiraan atau kompromi
Seksyen 11	Pindaan subseksyen 368(1) dan (2) dan memasukkan subseksyen baharu 368(1A), (3A) berkaitan perintah halangan dan tempoh moratorium
Seksyen 12	Memperkenalkan seksyen baharu 368A, 368B, 368C dan 368D untuk memudahkan skim perkiraan atau kompromi bagi kumpulan syarikat
Seksyen 13	Memasukkan seksyen baharu 369A, 369B, 369C dan 369D berkaitan kuasa-kuasa mahkamah dan keperluan pemiutang mengemukakan bukti
Seksyen 14	Pindaan seksyen 395 dengan meluaskan pemakaian perkiraan sukarela korporat kepada semua Syarikat
Seksyen 15	Memasukkan seksyen baharu 398A berkaitan kebenaran untuk pemiutang bercagar mendapatkan semula harta alih bercagar semasa tempoh moratorium

INISIATIF PEMBAHARUAN UNDANG-UNDANG**Seksyen-Seksyen di bawah Akta Syarikat (Pindaan) 2023**

Seksyen 16	Pindaan perenggan 403(b) berkaitan pengurusan kehakiman
Seksyen 17	Pindaan subseksyen baharu 406(1) dan (2) berkaitan pelanjutan tempoh untuk membayar hutang
Seksyen 18	Memasukkan subseksyen baharu 411(5) untuk membenarkan pemiutang bercagar mendapatkan semula harta alih bercagar di bawah keadaan tertentu
Seksyen 19	Memasukkan seksyen baharu 415A untuk membenarkan syarikat di bawah pengurusan penghakiman mendapatkan pembiayaan penyelamat
Seksyen 20	Memasukkan Penggal 9 baharu dan seksyen baharu 430A untuk menangani fasal berkaitan insolvensi untuk mana-mana pembekalan barang dan perkhidmatan
Seksyen 21	Memasukkan subseksyen baharu 433(4D) dan (4E) untuk menghendaki penyelesaian yang diluluskan memaklumkan maklumat mereka kepada Pendaftar
Seksyen 22	Menjelaskan bahawa permulaan penggulungan ialah tarikh perintah penggulungan, selaras dengan subseksyen 467(2)
Seksyen 23	Memasukkan perenggan baharu 562(1)(fa) untuk menghendaki syarikat asing memberikan maklumat pemunyaan benefisial kepada Pendaftar pada masa pendaftaran
Seksyen 24	Memasukkan perenggan baharu 567(1)(fa) berkaitan serah simpan oleh syarikat asing berkaitan apa-apa perubahan atau pindaan ke atas status syarikat asing tersebut
Seksyen 25	Memasukkan seksyen baharu 573A untuk menjelaskan bahawa peruntukan yang berhubungan dengan pemunyaan benefisial juga terpakai kepada semua syarikat asing
Seksyen 26	Memasukkan perenggan baharu 576(2)(ha) dan (hb) berkaitan serah simpan butir-butir pemunyaan benefisial syarikat asing kepada Pendaftar dalam penyata tahunannya
Seksyen 27	Pindaan seksyen 582 dalam teks bahasa kebangsaan bagi menggantikan perkataan 'akuan ketidaksolvenan' dengan perkataan 'pengisytiharan kesolvenan'
Seksyen 28	Memasukkan seksyen baharu 612A berkaitan penggunaan laman sesawang SSM untuk menyiarkan maklumat yang sebaliknya dikehendaki disiarkan dalam surat khabar
Seksyen 29	Memasukkan perenggan 613(1)(aa) dan (ba) berkaitan kuasa Menteri untuk membuat peraturan
Seksyen 30	Memasukkan Jadual Kesembilan A yang baharu yang menyenaraikan barang dan perkhidmatan yang perlu yang dinyatakan di bawah seksyen 430A Akta 777
Seksyen 31	Mengadakan peruntukan kecualian

LAPORAN PENGURUSAN

INISIATIF PEMBAHARUAN UNDANG-UNDANG**CADANGAN PINDAAN APLT 2012**

Pindaan kepada APLT 2012 telah dicadangkan untuk menyediakan kerangka perundangan berkaitan rehabilitasi entiti perniagaan yang lebih komprehensif serta menambah baik ketelusan dan tadbir urus secara amnya.

Selain itu, pindaan ini bertujuan menambah baik kerangka pelaporan pemunyaan benefisial dengan mengambil kira perkembangan terkini di peringkat antarabangsa dalam memerangi aktiviti-aktiviti pengubahan wang haram dan pembiayaan keganasan, rasuah dan pengelakan cukai.

Pindaan yang dicadangkan kepada APLT 2012 dijangka akan memberi impak positif kepada persekitaran korporat di Malaysia. Dengan memberikan sokongan yang diperlukan kepada entiti yang layak, seperti PLT, yang menghadapi kesukaran kewangan, pindaan ini bertujuan untuk memberi mereka ruang yang diperlukan untuk meneruskan operasi, terutama dalam landskap pasca pandemik COVID-19 yang mencabar.

Rangka kerja undang-undang korporat yang diperkemas ini direka untuk memupuk budaya ketelusan dalam amalan perniagaan, menggalakkan pematuhan terhadap peraturan yang telah ditetapkan. Akhirnya, ia akan membantu mencipta ekosistem perniagaan yang lebih berdaya tahan dan bertanggungjawab, memudahkan pertumbuhan dan pemulihan dalam sektor korporat.

Polisi-polisi berkaitan Rang Undang-undang Perkongsian Liabiliti Terhad (Pindaan) telah dibentang dan diluluskan oleh Jemaah Menteri pada 12 April 2023.

Polisi-Polisi di bawah Rang Undang-undang Perkongsian Liabiliti Terhad (Pindaan)

POLISI 1 Pengenalan mekanisme rehabilitasi bagi PLT di dalam Akta APLT 2012.	POLISI 2 Pengenalan kerangka pemunyaan benefisial kepada PLT.	POLISI 3 Pengukuhan polisi berkaitan prosedur yang menyokong pelaksanaan tadbir urus PLT yang mampan.
(a) Memperkenalkan proses perkiraan sukarela korporat dan pengurusan kehakiman. (b) Mengambil kira status PLT yang sama seperti syarikat iaitu entiti undang-undang yang berasingan daripada pekongsi-pekongsinya tetapi mempunyai struktur tadbir urus yang lebih fleksibel.	(a) Menghendaki PLT mendapatkan, merekod dan melapor maklumat pemunya benefisial kepada SSM. (b) Meningkatkan ketelusan maklumat pemunya benefisial bagi membantu agensi penguatkuasaan dan kawal selia membanteras jenayah serius.	(a) Merangkumi lain-lain pindaan penting termasuk pindaan am supaya laman web SSM boleh diguna untuk menerbitkan maklumat sebagai media alternatif kepada kehendak perundangan untuk diterbitkan dalam akhbar.

INISIATIF PEMBAHARUAN UNDANG-UNDANG

GARIS PANDUAN BERHUBUNG OBLIGASI SETIAUSAHA SYARIKAT SEBAGAI INSTITUSI PELAPOR DI BAWAH AKTA PENCEGAHAN PENGUBAHAN WANG HARAM, PENCEGAHAN PEMBIAYAAN KEGANASAN DAN HASIL DARIPADA AKTIVITI HARAM 2001

Pada tahun 2023, SSM mengeluarkan Garis Panduan berkaitan tanggungjawab Setiausaha Syarikat sebagai Institusi Pelapor di bawah Akta Anti Pengubahan Wang Haram, Pembiayaan Keganasan dan Hasil Aktiviti Haram 2001 (AMLA 2001).

Garis panduan ini dibangunkan berdasarkan kepada keperluan-keperluan di bawah Polisi Dokumen 'Anti-Money Laundering, Countering Financing of Terrorism and Targeted Financial Sanctions for Designated Non-Financial Businesses and Professions (DNFBPs) & Non-Bank Financial Institutions (NBFIs)' Bank Negara Malaysia atau diringkaskan sebagai 'Polisi Dokumen BNM' yang dikeluarkan oleh BNM.

Pengeluaran garis panduan ini adalah selari dengan kuasa yang diperuntukkan di bawah perenggan 21(1)(c) AMLA 2001 yang memberi kuasa kepada SSM sebagai pihak berkuasa pengawasan atau pelesenan (*supervisory or licensing authority*) untuk mengeluarkan garis panduan bagi membantu institusi pelapor (Setiausaha Syarikat) mengesan aktiviti-aktiviti yang mencurigakan berkaitan AMLA.

PENERBITAN BUKU PANDUAN DIGITAL

Dalam tahun 2023, SSM telah menerbitkan dua (2) buah buku panduan digital bertajuk Tanggungjawab Pengarah Syarikat dan Kod Etika Pengarah Syarikat dan Setiausaha Syarikat.

Kedua-dua buku tersebut diterbitkan bagi mengemas kini garis panduan berhubung tanggungjawab Pengarah Syarikat serta kod etika Pengarah Syarikat dan Setiausaha Syarikat selaras dengan keperluan tadbir urus korporat masa kini serta perundangan-perundangan baharu yang perlu dipatuhi dalam mentadbir dan menguruskan entiti-entiti perniagaan.

Buku Panduan Digital Tanggungjawab Pengarah Syarikat dan Kod Etika Pengarah Syarikat dan Setiausaha Syarikat



TANGGUNGJAWAB PENGARAH SYARIKAT

Dokumen ini menggariskan standard minimum tingkah laku penting yang dijangka daripada semua Pengarah Syarikat dalam pelaksanaan tugas dan tanggungjawab mereka di bawah AS 2016. Ia bertujuan untuk menyampaikan keperluan utama AS 2016 dengan cara yang mudah difahami oleh pengarah.

Garis panduan ini dibahagikan kepada tiga (3) bahagian utama:

- Gambaran Umum Pengarah Syarikat:** Penerangan terperinci mengenai peranan dan tanggungjawab pengarah syarikat.
- Kuasa dan Tugas Pengarah Syarikat:** Penjelasan mendalam mengenai kuasa dan tugas yang diberikan kepada pengarah di bawah AS 2016.
- Kewajipan Asas Pengarah Syarikat:** Garis panduan tanggungjawab lain yang perlu dipatuhi oleh pengarah dalam kapasiti mereka.

Garis panduan yang berstruktur ini direka untuk meningkatkan pemahaman dan pematuhan, sekaligus memupuk tadbir urus yang baik dalam syarikat.

LAPORAN PENGURUSAN

INISIATIF PEMBAHARUAN UNDANG-UNDANG

Buku Panduan Digital Tanggungjawab Pengarah Syarikat dan Kod Etika Pengarah Syarikat dan Setiausaha Syarikat**KOD ETIKA PENGARAH SYARIKAT DAN SETIAUSAHA SYARIKAT**

Dokumen ini berfungsi sebagai garis panduan komprehensif yang menggariskan jangkaan etika bagi Pengarah Syarikat dan Setiausaha Syarikat dalam pelaksanaan tugas mereka. Ia menyediakan kerangka asas yang boleh digunakan oleh semua jenis syarikat untuk membangunkan kod tingkah laku mereka sendiri yang sesuai, menggabungkan prinsip dan garis panduan khusus yang relevan dengan peranan unik dan piawai etika dalam industri masing-masing.

Kod ini dibahagikan kepada dua (2) bahagian yang berbeza:

Bahagian A: Memfokuskan kepada standard etika dan jangkaan untuk Pengarah Syarikat.

Bahagian B: Menumpukan kepada garis panduan etika khusus untuk Setiausaha Syarikat.

Dalam setiap bahagian, dokumen ini menjelaskan prinsip-prinsip asas, objektif dan kod tingkah laku terperinci yang dapat membimbing tingkah laku Pengarah Syarikat dan Setiausaha Syarikat, memupuk integriti dan tanggungjawab dalam amalan profesional mereka.